

Clxxxxvij

Testemant de bourginne lapeyre

Au nom de dieu scaichent toutz q(ue) l **an mil cinq cens septante sept** et le **vingt cinquie(me)** du moys de **septembre** a **montauban** seneschaucee de quercy e(t) dans la maison de moy not(aire) soubz(sig)ne regnant excellant prince henry par la grace de dieu roy de france et de poloigne pard(evant) moy not(aire) r(oy)al et tesmoingz soubz escriptz establye en sa personne honneste femme **bourginne de la pierre vefve** a feu m(aître) **pierre dubreilh licen(cier) en droictz et [con]seillier** en son vivant **en la co(u)r** de m(onsieu)r le sen(ech)al de quercy siege de montauban laquelle de son bon gre estant bien saine de son entend(emen)t et de son corps bien voyant ouyant et parlant [par] la grace de dieu considerant la fragilite de ceste vie humaine et que l( )heure de la mort est incertaine po(ur) evuiter [pro]ces e(t) differant entre ses enfans e(t) filles et au(tr)es ses sucess(eu)rs a faict et ordonne son der(nier) testament e(t) der(nier)e volante comme s( )ensuit en premier lieu a invoque le nom de dieu le priant luy f(air)e misericorde et lui donner la remission de ses peches

.....  
[par] le merite de jesus( )christ son filz et la fortiffier [par] son saint esperit a( )l( )heure de sa mort [con]tre les assaulz et tantations de satan item a esleu sa sepulture au **cimittiere** appelle **des cordeliers** dud(it) mo(n)th(aub)an item a donne et legue a **antoine dubreilh son filz** legitime et naturel e(t) dud(it) feu m(aître) pierre dubreilh la somme de cinquante livres t(ournoi)z et avec lad(ite) somme l( )a faict son her(itier) particulier et q(ue) ne puisse rien plus demander en ses biens item a donne et legue ~~la bonne dubreilh sa fille~~ de ses biens a **bonne dubreilh sa fille** a marier la somme de cinq cens livres t(ournoi)z payable quand elle se mariera et avec lad(ite) somme l( )a faicte et instituee son her(itier)e particuliere et avec icelle la tire hors de ses biens item a donne et legue a **jeanne dubreilh femme** a s(ir)e **jean baille bourgeois de th(ou)l(ous)e** et a( ) **jaquette dubreilh femme** de m(aître) **vital lalane docte(ur) en medecine**

**dud(it) mo(n)th(aub)an** habitans **ses filhes** legitimes  
e(t) naturelles et( ) a ch(ac)une d( )elles ]d(-)elles[  
oultre la dot qu( )elle leur a constitue #  
cinq soulz t(ournoi)z et avec lad(ite) somme e(t) dot les a  
faictes ses her(itier)es particulieres et que ne  
puissent rien plus demander en sesd(its) biens  
et heredite et en toutz et ch(ac)uns sesd(its) biens  
# ]de ses biens[ des biens de( )lad(ite) testatrix

.....  
Clxxxxviiiij

ses au(tr)es biens meubles e(t) immeubles  
p(rese)ntz et advenir voix droictz ]et[ noms et  
actions a( )lad(ite) testatrix appartenant  
elle a faict et institue son here(tier) universel  
et general m(aîtr)e **jean dubreilh son filz puisnay**  
par lequel a( )voleu ses debtes et leguatz  
estre payez cassant revocant et annullant  
toutz au(tr)es testemens codicilles et au(tr)es dernieres  
volantes e(t) disp(ositions) par elle [par] cy devant  
faictz le presant testament  
demeurant en sa force et verteu sy  
a prie les tesmoingz cy bas escriptz de ce  
estre recordz et memoratifz et moy  
not(aire) luy en rettenir inst(rumen)t ce q(ue) luy ay accorde  
ez presances de berthelemy fornier  
anthoine rigual cordoniers jean botailh  
bazochien dud(it) mo(n)th(aub)an habitans jaques  
guarrigues jean delz ambolas dict bozelz  
de la parroisse de saint martial guilhard  
raffine filz d arnaud dud(it) lieu de saint martial  
pierre cebe ]de la[ du masage de peboyes  
jurid(iction) de mo(n)th(aub)an lequel botailh s( )est  
ycy signe # avec led(it) rigual # et les au(tr)es ensemble lad(ite)  
testatrix ont dict ne scavoir (e)scripre

Botailh, p(rese)nt

Rigal

et moy

Laporte, no(taire)

Expedie en papier  
a lad(ite) testatrix

Expedie en papier  
a monsi(eu)r bayle

Expedie en papier  
a monsi(eu)r de lalane  
medecin